



**LEMANU P. S. MAUGA**  
GOVERNOR

**OFFICE OF THE GOVERNOR**  
**AMERICAN SAMOA GOVERNMENT**  
Telephone: (684) 633-4116

**TALAEUGA E. V. ALE**  
LIEUTENANT GOVERNOR

**Kerisimasi**  
**Tesema 25, 2021**  
**Saunoaga a le Kovana**

E faitau piliona tagata i le lalolagi atoa o loo faatasitasi e faailoga fiafia le tau o le Kerisimasi, ae toe faamanatu atu pea o le Kerisimasi e le na'o se taimi o fiafiaga ma le faafesuia'iga o meaalofo. O le faailoga o le ALOFA ma le FAAMOEMOE. O le alofa ua atoatoa na auina mai ai e le Atua lona Alo Pele e Toatasi ia fanau mai o se tagata e osia ai le taulaga aupito maua luga e magalo ai a tatou agasala. E leai se isi taulaga e sili a'e i lo le foa'i o se mea e sili ona pele mo se isi tagata. O le agaga tonu lena o le Alofa na tatou sapaia i le ulua'i taeao o le Kerisimasi e ola ai e faavavau.

Sa tofotofoina lo tatou lotomau i le tausaga atoa o le a mavae atu. Ua tatou oo mai i lenei vaitau ma manatu esese i lu'itau na tatou fesaga'i ta'itoatasi ai, faatasi ma se lagona o le malosi ua fusia ai lo tatou Teritori. A o tatou tau mānatu ma faafesoota'i lo tatou Teritori i suiga ua si'omia ai ona o le faama'i oti, fefulisa'i i le lē mautonu, sa faataunuuina ni galuega tetele ma le tāua e nisi e toatele o le atunuu. E le mafai e upu ona faailoa le faafetai i le sao o i latou uma na tali atu i le tulaga faafuase'i sa tatou iai ma o loo iai pea. Ona o le agalelei, le puipuga, ma faamanuiaga a le Alii, ua tatou ea a'e ai i se malosi fou, ma o se atunuu ua mafai ona tumau i lea malosi.

A'o tatou faamanatu le fanau mai o le Alii ma le Faaola o Iesu Keriso, ou te tatalo ia faagaetia i tatou i le foa'i o le Kerisimasi o le Alofa. Ia avea foi lenei Kerisimasi tatou te toe ofoina ai o tatou tagata e aumai ai le olioli ma le filemu i nisi e le o maua lenei manuia. Tatou manatua pea ia tatou tatalo i latou o loo fesaga'i ma fitā ma le gaogao ona o le aveeseina o e pele. Ua faatumulia lo'u nei loto i le faafetai i o tatou fitafita i vaegaau, i latou o loo faamalosi tulafono, le 'au tali muamua, o e tausī soifua, ma i latou uma o le a galulue i aso fiafia e puipui le saogalemu o o tatou afioaga ma soo se vaipanoa. Faafetai tele mo lau tautua i le mamalu o le atunuu.

E fai a'u ma sui o i maua ma le Afioaga i le Sui Kovana Talauega ma o ma aiga, matou te ofo atu moomooga sili mo lenei Kerisimasi ma se Tausaga Fou e tumu i le Fiafia! Ia iai le olioli o le Kerisimasi ma faamanuiaga a Keriso i o tatou soifua ta'itoatasi, o tatou aiga, ma le mamalu lautele o lo tatou Teritori e pele i le loto, i lenei vaitau ma aso uma lava.

A handwritten signature in black ink, appearing to read "Lemaniu P. S. Mauga".

**LEMANU P. S. MAUGA**  
Kovana